

«Քայլ առ քայլ»

բարեգործական հիմնադրամ

«Նախադպրոցական ուսումնական հաստատության մանկավարժական աշխատողների պարտադիր վերապատրաստում»

## ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ՝ ՄԱՆԿԱՎԱՐԺԱԿԱՆ ԱՇԽԱՏՈՂԻ ՀԱՄԱԳՈՐԾԱԿՑՈՒԹՅՈՒՆԸ  
ԳՈՐԾՆԿԵՐՆԵՐԻ ՀԵՏ՝ ՓՈՐՁԻ ՓՈԽԱՆԱԿՄԱՆ ԵՎ ՄԱՍՆԱԳԻՏԱԿԱՆ  
ԳՈՐԾՈՒՆԵՈՒԹՅԱՆ ԱՐԴՅՈՒՆԱԿԵՏՈՒԹՅԱՆ ԲԱՐՁՐԱՑՄԱՆ ՆՊԱՏԱԿՈՎ

Մեթոդիստ՝

Իրինա Պոնոմարենկո

Մանկապարտեզ՝

«Երևանի Հ.6 մուր-մանկապարտեզ» ՀՈԱԿ

**ԲՈՎԱՆԴԱԿՈՒԹՅՈՒՆ**

**ՆԵՐԱԾՈՒԹՅՈՒՆ.....3**

**ՏԵՍԱԿԱՆ ՄԱՍ՝ ՀԻՄՆԱՀԱՐՑԻ ՇՈՒՐՋ ՄԱՍՆԱԳԻՏԱԿԱՆ ԳՐԱԿԱՆՈՒԹՅԱՆ  
ՎԵՐԼՈՒԾՈՒԹՅՈՒՆ.....5**

**1.1 Համատեղ ուսուցման էությունն ու առանձնահատկությունները .....5**

**1.2 Համատեղ ուսուցման եղանակները կամ մոդելները.....8**

**ԳՈՐԾՆԱԿԱՆ ԽՈՐՀՈՒՐԴՆԵՐ.....13**

**ԵԶՐԱԿԱՑՈՒԹՅՈՒՆՆԵՐ.....15**

**ԳՐԱԿԱՆՈՒԹՅԱՆ ՑԱՆԿ.....16**

## ՆԵՐԱԾՈՒԹՅՈՒՆ

**Թեմայի արդիականությունը:** Ուսումնադաստիարակչական գործընթացի արդյունավետությունը ՆՈՒՀ-ում պայմանավորված է բազմաթիվ մակարդակներում համագործակցությամբ: Սաներին ներգրավելու, ուսուցումը լավագույնս իրականացնելու, երեխաների կրթական կարիքները հաշվի առնելու հարցում առավել կարևոր է ՆՈՒՀ-ում առկա համագործակցությունը: Բարենպաստ զարգացնող միջավայր ստեղծելու կարևոր նախապայման է ուսումնադաստիարակչական աշխատանքներին մեկ այլ տեսակետից մոտենալը: ՆՈՒՀ-ի ռեսուրսների արդյունավետ օգտագործումը ապահովում է ուսումնառության առավել զարգացնող միջավայր՝ լավագույնս բավարարելով ուսուցման և զարգացման ամենատարբեր կարիքներ ունեցող սաներին անհրաժեշտ պայմանները:

Խմբերում, բոլոր սաներին, ամենարդյունավետ կերպով ներառելու, գործընկերների հետ փորձի փոխանակման, համագործակցության և ուսուցման արդյունավետության բարձրացման նպատակով կիրառվում է մի մոտեցում, որը համեմատաբար նոր է և հայտնի է՝ որպես <<համատեղ ուսուցում>>: Համատեղ ուսուցմանը վերաբերող հետազոտությունները ՆՈՒՀ-ում դեռևս վաղ փուլում են, սակայն ըստ նախնական փորձարկման արդյունքների՝ կրթության և զարգացման առանձնահատուկ պայմանների կարիք ունեցող սաները համատեղ ուսուցման կիրառման դեպքում առավել ներգրավված են լինում ՆՈՒՀ-ում կազմակերպվող աշխատանքներին, առավել ակտիվ մասնակցություն են ցուցաբերում, քան մեկ դաստիարակի կողմից իրականացվող աշխատանքների ընթացքում:

Մանկավարժական աշխատողի համագործակցությունը գործընկերների հետ՝ փորձի փոխանակման և մասնագիտական գործունեության արդյունավետության բարձրացման նպատակով մանկավարժության ամենակարևոր հարցերից է, որով էլ հենց պայմանավորված է մեր կողմից ընտրված հետազոտության թեմայի **ընտրությունն ու արդիականությունը:**

**Հետազոտության նպատակն է** ուսումնասիրել և ներկայացնել մանկավարժական աշխատողի համագործակցության ձևերը գործընկերների հետ՝

փորձի փոխանակման և մասնագիտական գործունեության արդյունավետության բարձրացման նպատակով, կարևորելով համատեղ ուսուցման տեսակները:

**Նպատակից բխել են հետևյալ խնդիրները.**

1. Իրականացնել հիմնախնդրի շուրջ մասնագիտական գրականության վերլուծություն,

2. Վերլուծել և ներկայացնել համատեղ ուսուցման էությունն ու առանձնահատկությունները՝ որպես համագործակցության տեսակ,

3. Առանձնացնել համատեղ ուսուցման մոդելները,

4. Ներկայացնել համատեղ ուսուցման գործնական ուղղորդումներ:

Հետազոտության ընթացքում կիրառվել են հետևյալ մեթոդները.

- Մասնագիտական գրականության վերլուծություն,
- Գործնական աշխատանք, այլ:

**Հետազոտության գործնական նշանակությունը:** Հետազոտության մեջ ներկայացված համատեղ ուսուցման մոդելներն ու գործնական խորհուրդները կարող են արդյունավետ կերպով կիրառվել ոչ միայն մանկապարտեզներում, այլև ուսումնական և դաստիարակչական գործունեություն իրականացնող ցանկացած կրթական հաստատության մանկավարժական գործընթացում:

**Աշատանքի կառուցվածքը:** Աշխատանքը կազմված է ներածությունից, տեսական մասից, գործնական խորհուրդներից, եզրակացություններից, գրականության ցանկից: Համակարգչային շարվածքով կազմում է 16 էջ:

**ՏԵՍԱԿԱՆ ՄԱՍ**  
**ՀԻՄՆԱՀԱՐՑԻ ՇՈՒՐՋ ՄԱՍՆԱԳԻՏԱԿԱՆ ԳՐԱԿԱՆՈՒԹՅԱՆ**  
**ՎԵՐԼՈՒԾՈՒԹՅՈՒՆ**

**1.1 Համատեղ ուսուցման էությունն ու առանձնահատկությունները**

ՆՈՒՀ-ի ուսումնադաստիարակչական գործընթացն առավել արդյունավետ դարձնելու նպատակով կազմակերպվում են համագործակցային տարաբնույթ աշխատանքներ՝ ժողովներ, վերապատրաստումներ, սեմինար-քննարկումներ, բաց պարապմունքներ, միջոցառումներ, էքսկուրսիաներ, այլ: Մանկավարժական գործունեության վերոնշյալ տեսակներն ու համագործակցության ձևերն իրականացվում են ոչ միայն տվյալ ՆՈՒՀ-ի մասնագետների, այլև տարբեր կազմակերպությունների /օրինակ ԿԶՆԱԿ հիմնադրամի, ՀՄԿ-ի, ՏՄԱԿ-ների, վերապատրաստող կազմակերպությունների/ կողմից, ովքեր ունեն նպատակ աջակցելու մասնագետներին բարելավելու մասնագիտական որակները և բարձրացնելու ուսուցման արդյունավետությունը:

Սույն հետազոտական աշխատանքում, փորձ է արվել տեղայնացնել և ներկայացնել համագործակցության մի տեսակ, որը կոչվում է “Համատեղ ուսուցում”:

**Ի՞նչ է համատեղ ուսուցումը:** Համատեղ ուսուցումը կարող է կիրառվել կրթական տարբեր միաջավայրերում՝ սկսած ՆՈՒՀ-երից մինչև տարրական և հիմնական դպրոցներ ու համալսարաններ: Համատեղ ուսուցումը մանկավարժների (Friend & Cook, 2010) կամ այլ մասնագետների համագործակցությունն է՝ խմբի ներսում տարբեր կրթական կարիքներ ունեցող սաներին ներառելու համար: Ներառական կրթության համատեքստում այն նպաստում է կրթության և զարգացման առանձնահատուկ պայմանների կարիք ունեցող սաների նկատմամբ սխալների նվազեցմանը և բոլոր սաների ուսուցման բարելավմանը: Միաժամանակ, համատեղ ուսուցման զանազան մեթոդները սաներին ընձեռում են ուսումնառելու տարբեր հնարավորություններ՝ պարապմունքին հաղորդելով բազմազանություն և ստեղծագործականություն: Հանդիսանալով ներառական կրթության արդյունավետ բաղադրիչ, համատեղ ուսուցումը ներառման իրականացման պարտադիր պահանջ է: Այն, մյուս ռազմավարությունների հետ միասին, սաներին կրթական

ծառայություններ մատուցելու շատ արդյունավետ և օգտակար ձև է (Friend & Cook, 2004):

**Համատեղ ուսուցման նպատակը** բոլոր սաների համար ուսումնական ծրագիրը հասանելի դարձնելն է (Friend, Cook, Hurley-Chamberlain & Shamberger, 2010), պարամունքներին և խաղերին բոլորի մասնակցությունը ապահովելը: Համատեղ ուսուցումը նաև աջակցություն է տրամադրում մանկավարժներին (Friend, 2005): Համատեղ աշխատելով՝ երկու մանկավարժներ աշխատում են միևնույն խմբասենյակում կամ խաղասենյակում: Այս մոդելը համատեղում է դաստիարակների՝ ուսումնական ծրագրի ու ծրագրային բաղադրիչի բովանդակության իմացությունը և աջակցության վերաբերյալ հոգեբանական գիտելիքները՝ հիմնված սաների անհատական առանձնահատկությունների վրա: Անհատականացումը, ընձեռնելով ուսուցման տարբեր ռազմավարությունների կիրառման հնարավորություն, նպաստում է նաև օժտված սաների ներառմանը: Համատեղ ուսուցումը, ի տարբերություն մեկ դաստիարակի կողմից իրականացվող պարապմունքի, բոլոր սաներին (այդ թվում ԿԶԱՊԿ ունեցող), ընձեռում է ներառվելու և ներգրավվելու առավել լայն հնարավորություններ (Friend & Cook, 2010):

Համատեղ ուսուցման վերջնական նպատակը ուսումնական հաստատություններում բոլոր սաների առավել արդյունավետ ներառումն ու ուսումնաստիարակչական գործընթացի արդյունքների բարելավումն է: Բացի այդ, միայն դաստիարակի կողմից կազմակերպվող աշխատանքների համեմատ, համատեղ ուսուցումը տալիս է ավելի բազմազան և ստեղծագործական ուսուցման և կազմակերպչական մեթոդների կիրառման հնարավորություն, մեծացնում է դաստիարակների և բազմամասնագիտական թիմի կամ աջակցող մասնագետների համարժեցակցության հաճախականությունը՝ ապահովելով ժամանակը կիսելու, ռեսուրսներն առավել արդյունավետ օգտագործելու հնարավորություն: Համատեղ ուսուցումը ենթադրում է ոչ միայն պարապմունքի կամ խաղային գործունեության համատեղ անցկացում, այլև պլանավորում (Friend, Cook, Hurley-Chamberlain & Shamberger, 2010) [3]:

Ստորև շարադրված պարբերություններում նկարագրվում են համատեղ ուսուցում իրականացնելու հինգ եղանակները, սակայն նախքան համատեղ

ուսուցման մոդելներին անդրադառնալը, փորձենք ներկայացնել, թե բացի դաստիարակներից և դաստիարակի օգնականներից ովքեր կարող են մասնակցել համատեղ ուսուցմանը, ինչ ռիսկեր կարող է այն պարունակել և որոնք են համատեղ ուսուցման ուժեղ կողմերը:

Համատեղ ուսուցման մի քանի առավելություններ.

1. Այն սաները, ովքեր ունեն ուսումնառության որոշակի դժվարություններ, միաժամանակ չեն ստանում հատուկ մանկավարժի կամ այլ աջակցող մասնագետների ծառայություններ, շահում են դաստիարակ-սան քանակական հարաբերակցության նվազեցումից և համատեղ ուսուցման ժամանակ կիրառվող մեթոդների բազմազանությունից,
2. Երեխաների ակտիվ ներգրավվածությունը պարապմունքին,
3. Երկու և ավելի դասավանդողի համագործակցություն,
4. Սաների բազմազանություն,
5. Պարապմունքի ժամանակահատվածի օպտիմալ օգտագործում,
6. Փորձի փոխանակում,
7. Կապերի հաստատում, անձնային մակարդակում նմանությունների բացահայտում,
8. Ուսուցման, խմբի կառավարման, ուսուցման ոճերի հստակեցում,
9. Ուժեղ և թույլ կողմերի վերհանում, քննարկում:
10. Ուսուցման նպատակի, անհատական ուսուցման և զարգացման պլանի քննարկում, մասնագետների հետ համագործակցում,
11. Գործողությունների պլանավորում, թիմային աշխատանք,
12. Շարունակական աճի գրանցում,
13. Պարապմունքի արդյունավետության բարձրացում:

**Ովքե՛ր կարող են լինել համատեղ ուսուցման դերակատարները.**

1. Դաստիարակի օգնականը,
2. Հատուկ մանկավարժը, հոգեբանը, սոցիալական մանկավարժը, լոգոպեդը,
3. Երաժշտության դաստիարակը, ֆիզիոթերապիստը, լրացուցիչ կրթական ծառայություններ մատուցող մասնագետները,
4. Որևէ ծնող կամ սան:

5. Մեթոդիստ, այլ:

Համատեղ ուսուցումն իր մեջ նաև պարունակում է ռիսկեր, որոնք կարող են առաջանալ, ոչ ճիշտ համագործակցության շրջանակի պայմաններում.

Դրանցից կարող են լինել՝

- Ուսուցման մեթոդների և ոճերի անհամատեղելիությունը,
- Կոնֆլիկտային փոխհարաբերությունները, երբ մի մասնագետը մյուսին իր առավելություններն ապացուցելու խնդիրն ունի,
- Անհանդուրժողականությունը,
- Ժամանակի ոչ օպտիմալ կառավարումը,
- Իրար օգնելու փոխարեն, խանգարելը, այլ:

## 1.2 Համատեղ ուսուցման եղանակները կամ մոդելները

Համատեղ ուսուցում կարելի է իրականացնել մի քանի եղանակով: Կարևոր է, որ եղանակն ընտրվի ուսուցանվող նյութի բովանդակության պահանջներին և երեխաների կրթական և զարգացման կարիքներին համապատասխան: Եղանակի ընտրության հարցում կարևոր գործոններ են նաև մանկավարժական կադրերը և ժամանակը: Ստորև ներկայացված հինգ եղանակների հիման վրա դաստիարակները կարող են փորձել նպաստել բոլոր սաների անհատականացված նպատակների և խնդիրների իրագործմանը՝ միաժամանակ բավարարելով խմբի սաների կրթական կարիքներն ու հետաքրքրությունները:

Համատեղ ուսուցումն առավել արդյունավետ կարող է լինել փոքրաքանակ կամ տարատարիք խմբերում:

**Աջակցող ուսուցում:** Մեկը սովորեցնում է, մյուսը՝ դիտարկում: Այսինքն, մեկ դաստիարակն ուսուցանում, առաջնորդում է ողջ խումբը՝ տալով ընդհանուր ուղղորդումներ, իսկ մյուսը, որպես օգնական, դիտարկում է առանձին սաների վարքը և տարբերակված, առանձին ուղղորդումներով օգնում է նրանց՝ առավելագույնս ներգրավվելու պարապմունքին:




Այս մոդելի դեպքում երկրորդ մասնագետը օգնում է դաստիարակին՝ հասնելու պարապմունքի հիմնական նպատակին, ինչպես նաև օգնում այն սաներին, ովքեր դաստիարակի հրահանգներն ընկալելու հետ կապված լրացուցիչ աջակցության կարիք ունեն: Համատեղ ուսուցման այս եղանակի առավելությունն այն է, որ երկու մասնագետներն էլ հնարավորություն են ունենում ինչ-որ ժամանակ դիտարկելու ողջ խումբը և առանձին սաների: Հիմնական դաստիարակը պլանավորում է պարապմունքը, ուստի որոշ ժամանակ հատկացնում է նախնական պլանավորմանը:

Առավել պատկերավոր տես նկար 1:

Նկար 1

### Աջակցող ուսուցում



**Չուրաքանչյուր ուսուցում:** Խմբում ընթանում է զուգահեռ ուսուցում երկու խմբերով: Խմբերի բաժանման սկզբունքը, որպես կանոն, կախված է լինում սաների գիտելիքների և կարողությունների մակարդակից կամ սովորելու ոճերի ընդհանրություններից:


Յուրաքանչյուր մասնագետ յուրաքանչյուր խմբի հետ աշխատում է իր ուղղորդումներով, սակայն պարապմունքի նպատակը երկու խմբերում նույնն է: Սա առավել քիչ օգտագործվող մոդելներից է:

Այս մոտեցման դեպքում մասնագետները համատեղ պլանավորում են ուսուցումը: Խումբը բաժանվում է երկու խմբի, ամեն դաստիարակ կամ մասնագետ աշխատում է մի խմբի հետ: Այս մոտեցումը նվազեցնում է սան-դաստիարակ թվային հարաբերակցությունը և ամենից արդյունավետ է նախագծային աշխատանքների ժամանակ, երբ սաներն առավել աջակցության կարիք ունեն: Օրինակ՝ սաների մի խմբում կարելի է ընդգրկել այլ, իսկ մյուս խմբում՝ այլ հետաքրքրություններ և նախասիրություններ ունեցող սաներին՝ այդպիսով ապահովելով խմբերում

բազմազանության առկայությունը և կրթական կարիքների և հետաքրքրությունների զանազանումը: Տես նկար 2.

Նկար 2

**Զուգահեռ ուսուցում**




**Ուսուցում կայաններում կամ ուսուցման կենտրոնների տեղափոխման մոդել.**

Կայանը ձևավորում են դաստիարակները կամ խմբի սաները խմբասենյակի որևէ հատվածում՝ սաների հետ աշխատելու համար: Ստեղծվում են տարբեր կայաններ: Սաները տեղափոխվում են մի կայանից մյուսը: Ամեն կայանում աշխատում է մեկ մասնագետ: Մի կայանում կարող է կազմակերպվել հեքիաթի ընթերցանություն, մյուսում՝ կերպարվեստային գործունեություն, սակայն բոլորը կապված են միևնույն թեմայի հետ: Կայաններով աշխատանքը կարելի է կազմակերպել ցանկացած ծրագրային բաղադրիչից: Կայաններում հանձնարարվում են պարապմունքի ընդհանուր խնդիրներին առնչվող տարբեր առաջադրանքներ: Դաստիարակներն ու օգնականները միմյանց միջև կիսում են կայանները: Տես նկար 3:

Նկար 3.

**Կենտրոնների տեղափոխման մոդել կամ ուսուցում կենտրոններով**



**Այլընտրանքային ուսուցում.** Այս ռազմավարությունը հնարավորություն է տալիս դասավանդելու փոքր խմբերի: Երբ ընդհանուր խմբի կամ մեծ խմբի համար այս կամ այն հմտությունը առանձնացված ձևավորելու անհրաժեշտություն չկա, որոշ սաներից կազմվում է յուրահատուկ, փոքր խումբ: Այլընտրանքային ուսուցումը ներառական միջավայրում ընձեռում է խորացված ուսուցում իրականացնելու հնարավորություն: Այն թույլ է տալիս, որ խմբի բոլոր սաները նյութի որոշակի մասը ստանան փոքր խմբերով աշխատելիս: Այս մոտեցման առնչությամբ մի մտավախություն կա. հաճախ այն կիրառվում է միայն կրթության առանձնահատուկ պայմանների կարիք ունեցող սաների հետ: Արդյունքում, նրանք մշտապես առանձնացվում, մեկուսացվում են մեծ խմբից՝ ֆիզիկապես գտնվելով միևնույն խմբասենյակում, մինչդեռ այս մոդելը կարելի է կիրառել օժտվածություն ունեցող երեխաների հետ աշխատանքում կամ տարատարիք կամ բազմալեզու խմբում: Տես նկար 4

Նկար 4




• **Թիմային ուսուցում.** Թիմային ուսուցման ժամանակ երկու մասնագետները միաժամանակ սովորեցնում են միևնույն բանը, ուստի վերջին հաշվով համաուսուցում են մեկ խմբի: Ուսուցումն ավելի շատ նմանվում է զրույցի: Որոշ հետազոտողներ այս եղանակը համարում են ամենաբարդը, բայց նաև՝ ամենից գոհացնողը: Մեկը սովորեցնում է, մյուսն՝ օժանդակում: Այսինքն, այս մոդելում մասնագետները ուսուցում են միասին՝ միևնույն նպատակով և ուղղորդումներով՝ պարապմունքի ողջ ընթացքում իրար փոխլրացնելով: Այս մոդելի դեպքում հաճախ այնպես է ստացվում, որ դաստիարակներից մեկը առավելապես առաջնորդում է պարապմունքի

բովանդակային մասը, իսկ մյուս մասնագետը՝ հրահանգների, գործնական առաջադրանքների ուղղորդումների մասը: Տես նկար 5:

**Նկար 5**

**Թիմային ուսուցում**



## ԳՈՐԾՆԱԿԱՆ ԽՈՐՀՈՒՐԴՆԵՐ

Համագործակցային մոտեցումներից որևէ մեկի կիրառումից առաջ կարևոր է որոշել, թե որն է ամենաօգտակարը՝ հաշվի առնելով ՆՈՒՀ-ի մանկավարժական ռեսուրսը, սաների առանձնահատկությունները և ուսուցանվող նյութի բովանդակությունն ու ծավալը [1]:

- Կարևոր է, որ թիմերը քննարկեն պարապմունքի բովանդակությունը և որոշեն ամենից հարմար մոտեցումը՝ ելնելով սաների անհատական և տարիքային առանձնահատկություններից, հետաքրքրություններից, նախասիրություններից, այլ: Օրինակ, երբ խմբում կա այնպիսի սան, ով դժվարանում է աշխատանքի մի ձևից անցում կատարել մյուսին, պետք չէ ընտրել մոտեցում, որը պարապմունքի ընթացքում շատ կտրուկ փոփոխություններ է պահանջում:

- Կարևոր է հաշվի առնել նաև համագործակցող մասնագետների առանձնահատկությունները և կարիքները: Եթե համատեղ դասավանդողների ոճերը տարբեր են՝ լավագույն ձևը կլինի ընտրել մոտեցումներ, որոնք հնարավորություն են տալիս աշխատելու իրարից անկախ: Եթե մասնագետները հեշտ են աշխատում միասին լավագույն տարբերակը կլինի միասին դասավանդելը:

- Ուսումնական ծրագիր, ներառյալ բովանդակություն և ուսուցման ռազմավարություններ: Կարևոր է հաշվի առնել նյութի բովանդակությունը և թե որն է ուսուցման ամենահարմար ռազմավարությունը: Խիստ կանոնակարգված, ուսուցման և հստակ քայլերի կատարում պահանջող բովանդակության դեպքում կարող է պահանջվել մի մոտեցում, իսկ գաղափարների ազատ, չկանոնակարգված քննարկման դեպքում՝ բոլորովին այլ:

- Գործնական նկատառումներ. Եթե խմբում սաների թիվը շատ մեծ է, կարող եք ընտրել մի մոտեցում, որի արդյունավետությունը կախված չէ սաների միջև տարածության պահպանումից:

- Մանկավարժական աշխատողների մասնագիտական պատրաստվածությունն ու պատրաստակամությունը: Համատեղ ուսուցում սկսելուց առաջ կարևոր է հասկանալ նաև, թե որքանով են մասնագետները պատրաստ գործընթացը սկսելուն:

Որոշ ՆՈՒՀ-երում կարող են մանկավարժական աշխատողները կարող են հեշտորեն ընդունել համատեղ ուսուցման գաղափարը, մյուսները կարող են դիմադրել:

Այժմ անդրադարձ կատարենք մեր կողմից իրականացված համատեղ ուսուցման փորձին, որն իրականացվել է Երևանի Հ. 6 մուր-մանկապարտեզ ՀՈԱԿ-ի միջին խմբում:

Այն իրականացվել է հետևյալ քայլաշարով:

1. Դաստիարակի հետ համատեղ քննարկել ենք, թե ինչպես ենք բաշխելու մեր անելիքները պարապմունքի ընթացքում, քննարկել ենք մեր տեսակետներում առկա ընդհանրություններն ու տարբերությունները: Օրինակ՝ աղմկոտ միջավայրը մեկի կողմից կարող է ընկալվել որպես արդյունավետության ու սաների զբաղվածության նշան, մյուսի կողմից աշխատելու համար անբարենպաստ միջավայր:

2.Քննարկել ենք տվյալ խմբի սաների առանձնահատկությունները և համաձայնության ենք եկել անհրաժեշտ պայմանների ապահովման շուրջ:

3. Որոշել ենք համատեղ ուսուցման առաջին օրվանից ներկայանալ սաներին որպես հավասար լիազորություն ունեցող գործընկերներ:

4. Խորհրդակցել ենք առօրյա հարցերի շուրջ: Օրինակ՝ որոնք են մեր ակնկալիքները առօրյա գործողություններից, և ե՞րբ ենք իրականացնելու համատեղ ուսուցման որոշ հարցերի արագ քննարկումը:

5. Քննարկել ենք, թե ինչպես ենք կիսելու ուսուցումն ու մեր պարտականությունները:

6. Խոսել ենք այն հնարավոր առավելությունների և թերությունների մասին, որոնք յուրաքանչյուր մասնագետ կարող է ունենալ համատեղ ուսուցման ընթացքում:

7. Իրականացրել ենք համատեղ պլանավորում, պարապմունքի համար անհրաժեշտ դիդակտիկ նյութի պատրաստում և ընրություն, խմբասենյակի նախապատրաստում և, այնուհետև, պարապմունքի վարում:

8. Իրականացրել ենք հանդիպման տեսանկարահանում, որն այնուհետև դիտել և վերլուծել ենք, իրականացնելով վերլուծական անդրադարձ՝ շտնկելու առկա բացթողումները և բարելավելու հետագա աշխատանքները:

## ԵԶՐԱԿԱՑՈՒԹՅՈՒՆՆԵՐ

Հետազոտության շուրջ կատարած մասնագիտական գրականության ուսումնասիրությունն ու վերլուծությունը հնարավորություն տվեցին հանգելու հետևյալ եզրակացություններին.

- Համատեղ ուսուցումը համեմատաբար նոր մոտեցում է, որը բխում է բոլոր սաներին պարապմունքին ներգրավվելու պահանջից և բոլորի կարիքները հաշվառելուց,

- Այն հանդիսանում է արդյունավետ փորձի փոխանցման և արդյունավետ վերլուծական անդրադարձ կատարելու միջոց:

- Որպես համագործակցության տեսակ, կարելի է փորձարկել և ընտրել առավել արդյունավետ մոտեցումը՝ ելնելով մանկավարժական աշխատողների և խմբերի առանձնահատկություններիվ:

Ուստի, կարելի է փաստել, որ համատեղ ուսուցումն դաստիարակներին տալիս է անհրաժեշտ աջակցություն ունենալու հնարավորություն, միաժամանակ սաների համար ապահովելով ներգրավվածություն մանկավարժական գործունեության բոլոր ձևերին: Համատեղ ուսուցումը, ինչ-որ տեղ, նաև մարտահրավերներ է մանկավարժական աշխատողների համար, քանի որ վերջիններս պետք է վերանայեն իրենց աշխատանքի ոճն ու միմյանց փոխլրացնեն իրենց ուժեղ կողմերով:

## ԳՐԱԿԱՆՈՒԹՅԱՆ ՑԱՆԿ

1. Մանուկ Խաչատրյան, Միեր Դավթյան Ուսուցման Ժամանակակից մոտեցումներ, Ձեռնարկ ուսուցչների, ուսուցչի օգնականների եւ մանկավարժահոգեբանական աջակցման ծառայություններ մատուցող մասնագետների համար, Երեւան, 2019թ
2. Ներառող դասավանդում: Մեթոդական ձեռնարկ մանկավարժների համար, Ա. Հ. Սվաջյան և ուրիշ.; Հանրապետական մանկավարժահոգեբանական կենտրոն, - Եր.: Էդիթ Պրինտ, 2023 - 240 էջ
2. General and special education students' perceptions of co-teaching: Implications for secondary-level literacy instruction. Reading and Writing Quarterly, 22, 205-225.
3. <https://lalamanoukyan.wordpress.com/2014/06/05/cooperative-teaching/>